



王文靖公集卷五

受業

仁 和 湯 右 曾
涇 陽 劉 灝

校訂



詩

送及庵姊丈分守武昌四首

蕪岫丹楓冷。乘秋塞鴈過。故人風雨散。樽酒別離多。
落照栖平野。閒雲靜古柯。河橋南去路。夢汝渡滹沱。

自序其二

自是才堪借。非關賦未工。星辰當楚會。舟楫與吳通。
入座江山勝。搗詞屈宋同。愁予增遠望。雲滿鄂王宮。

其三

簪筆同仙苑。聯鑣接禁林。那知分袂日。當此九秋深。
把酒渾無賴。相思兩不禁。驅車愁漸遠。飛鳥下遙岑。

其四

地是元規鎮。人推思曼流。賓僚飛玉笋。歌吹滿南樓。
黛接芙蓉霽。黃垂橘柚秋。湘江明月滿。知汝最含愁。

將秋步家大人韻

團扇猶憐汝。深宵靜欲眠。輕颺牕不掩。踈雨幔初懸。
竹影流清靄。桐陰破曉烟。驚看庭際草。新綠上花磚。

再疊前韻

廣廈涼侵席。北窓人未眠。峯巒清可數。雲物靜疑懸。
霽色千林鳥。晴光萬井煙。綠苔看漸減。隨意度青鞵。

讀申覓盟詩投贈四首

蕭瑟虛亭夕。陰君詩黯然。吾徒原不偶。此日最相憐。

暮靄秋山遠。晴雲塞鴈還。雙扉終日閉。聊用酒為年。

其二

風雨傳佳句。悲涼似八哀。興來還擊筑。愁絕一登臺。
明月來相照。柴關未許開。十年家國淚。慷慨盡餘杯。

其三

昔日江南客。行吟况若何。時危驚地窄。旅食苦人多。
鐘阜秋前月。新亭醉後歌。五湖煙艇小。我亦載愁過。

其四

家在漳河外。秋來古北平。班荆揮玉麈。把酒憶秦箏。
蠟屐耽山秀。扶筇對月明。何時遂幽訪。飛夢滿遙清。

除夕二首

日月何遷次。光陰復歲除。事更知學淺。年長愧才疎。
玉漏頻消舊。晨雞又報初。生平漫回首。杯酒醉蘧。

其二

講席沾恩久。新章領石渠。時分天府饌。每睹玉函書。清
暑年空邁。庸才報尚虛。在公期匪懈。不敢負居諸。

己亥元旦二首

令節祥風煖。瑤函寶曆更。心香酬化育。燈火耀春正。紀瑞豐年兆。占雲泰道亨。家上觴柏酒。相與慶昇平。

其二

社鼓喧除夜。晨鐘啟歲朝。行年滋漸長。寡過後方遙。寶篆香煙裊。辛盤五味調。垂紳沾世澤。拜德頌唐堯。

新正二日夜飲二首

深閨宵漏徹。兒女畫筵開。學語知呼酒。歡親勸舉杯。

韶光催汝大。令節喜予回。訓誡關情處。還思咏絮才。

其二

寶篆流香細。華燈照影妍。良宵當歲首。雅興記朱絃。梅吐先春萼。歌傳子夜篇。慇懃還勸酒。吾醉欲先眠。

春正新月

新年見新月。如對故人歸。欲雪流光淡。將西濯魄微。隣鐘催暮靄。華燭映春暉。為道元宵近。還期永夜輝。

人日苑中即事二首

上苑逢人日。和風動旆旌。暗泉流太液。高柳接春城。
雙闕雲中近。千山眼底清。鏡聲傳夙駕。羽獵起新晴。

其二

儼直棲遲久。良辰倍憶家。依窓梅影靜。透幕篆煙斜。
雅譙尊應滿。高歌興自賒。閨中小兒女。綵勝記年華。

早春雨中進講

小雨當清曉。流雲遶禁城。細沾宮柳潤。漫點鳳池輕。
講席慚無補。談經媿未明。法天宸慮切。恩澤及春行。

招隱詩三首

時移物屢變。淹忽越歲年。悠然念今昔。撫景牽薇纏。
高天鴻鵠飛。來往何翩。乃知空曠中。浩蕩靜所偏。
采芳行未遲。揮手離塵筌。山川雖云遠。靈境諧夙緣。
相將度層岑。晴雲開紫煙。翡翠栖蘭苕。容華相與鮮。
放情拂霄漢。投轄歸林泉。

其二

晨起望蒼巒。爽氣照几席。迴顧塵鞅中。動靜多扞格。

悠々渺何從。行々度阡陌。相與祛煩囂。清徑幽且僻。
臨流礪皓齒。陟岡蔭翠栢。素顏傲丹丘。軒裳豈相迫。
皎々白日陰。林臯聊自適。遙想邈高眇。棄置奚足惜。
其三
予亦何為者。馳驅朝夕間。荒途苦靡涯。時事良多艱。
緬彼巢居子。高踪杳難攀。幽蘭紉重襟。曲徑日掩關。
飄々松風來。清澗流潺湲。鳴琴巖壑中。靜嘯心亦閒。
安得褰裳遊。駕言還北山。

詠史四首

天道何茫茫。世路多風波。山川鴻鵠舉。落影在網羅。
川流分淼渺。山光鬱嵯峨。淹留不復還。慷慨為悲歌。
懷古陶淵明。隱居託巖阿。寄辭歸去來。三徑非蹉跎。
媿彼北山文。無顏對煙蘿。

其二

李廣不封侯。馮唐老郎署。雖有凌霄翮。束縛鮮軒翥。
朝趨長安道。車馬雜徒御。高位無嫌猜。遠迹成貴倨。

歲短途路長。胡為永終譽。蒼旻不可攀。年華日已去。
寄語後時人。功名難急遽。

其三

城郭何鬱盤。下民何艱難。城郭何所措。下民何所安。
羣盜如飄風。戈鋌橫相干。哀哉時亂離。老幼滋辛酸。
離析復何歸。土著多摧殘。我思黃潁川。為政何其寬。

其四

毛生昔浮湛。囊錐隱光耀。寄食平原門。三年不被召。

奮身備末行。微受公子誚。當時十九人。相視皆含笑。
一定楚趙盟。碌々誰同調。

午日賜宴恭紀

午日龍舟競渡雄。蘭橈桂楫引羣公。微雲漸滿西山
外。大暑遙清太液中。水簟珠簾風細々。新荷翠蓋雨
濛々。南薰自奏虞絃曲。漫說汾陰宴賞同。

苑直即事二首

斗帳棲遲久。空天月復圓。朔風吹萬籟。客夢滿長安。

野曠人聲靜。宵深宿火明。^寒朝望車駕。早發五雲端。時

駕回宮
者旬日

其二

行宮傳玉漏。遠寺暝鐘初。飛鳥投林宿。塵襟到夜虛。
習禪先學定。應俗不妨疎。門轍無相索。頻抽篋底書。

送秋兼送客贈趙友沂下第歸揚州三首

片帆秋水明。寒蓼路縱橫。斜照催行客。疎林黯別情。
世誰憐駿骨。人自逐浮名。好醉平山月。清歌盡舫輕。

其二

別當秋雨後。歸及塞鴻前。那有不平意。翻增知己憐。
人行沙岸小。樹近夕陽偏。望上征帆遠。清霜欲暮天。

其三

鍛羽歸何處。邗溝葺舊庵。梅花橫短牖。明月下虛潭。
抱膝書千卷。清齋佛一龕。有時深雪裡。載酒過城南。

送高念侶之任粵東二首

少小相知舊。交情憶往年。虛窓聽雨後。明月把杯前。

家塾同朝夕。鑿坡恰後先。當茲遠離別。回首各茫然。

其二

南海番禺地。山川變雨晴。雲封七星頂。花滿五羊城。
驛吏藤輿待。蠻童竹馬迎。鄉關幾千里。遙望不勝情。

秋日病中有感

卧病朝餐減。浮生敢告勞。名心容淡泊。閒夢豈牢騷。
桂影當窓靜。砧聲隔苑高。靜中看節序。一葉下亭皋。

中秋早朝見月

梧葉傳初響。秋風淒以清。劇憐昨夜月。猶伴早朝行。
斜照依金闕。微光隱鳳城。輝輝看漸遠。坐聽曉鐘鳴。

南苑四月十五夜同諸院長橋上望月

星河斜帶上林低。海月初生夜景齊。玉漏聲傳行殿
外。青山影落禁城西。波間隱映龍蛇動。樹底平驚鳥
雀栖。身在冰壺疑闥苑。恩分莖露正堪携。

入館日講恭紀

簪筆身依日月邊。欣逢講藝啟初筵。學從典誥明新

始。道。溯。羲。文。畫。象。前。經。術。邀。榮。慚。蠡。管。
天。顏。有。喜。在。瑤。編。金。莖。露。浥。沾。息。渥。夙。夜。難。忘。獻。納。
光。
西。苑。直。中。即。事。三。首
鳳。城。未。夏。愜。清。遊。禁。苑。風。生。氣。歆。秋。始。識。上。林。多。玉。
樹。從。來。太。液。北。瀛。洲。金。鋪。玉。砌。雲。中。迥。白。塔。雕。闌。水。
面。浮。坐。久。共。看。新。月。出。還。聞。鐘。鼓。動。南。樓。

其二

銀。漢。曾。傳。宿。女。牛。遙。看。素。月。自。天。流。蘭。舟。畫。鷁。圍。金。
鎖。桂。殿。珠。簾。控。玉。鉤。夜。靜。五。雲。還。冉。波。澄。羣。鷺。自。
悠。侍。臣。緩。步。青。林。外。共。指。龍。樓。在。上。頭。

其三

隱。雷。聲。送。雨。過。凝。珠。滴。露。滿。新。荷。山。光。幕。屋。環。丹。
禁。鳥。語。淒。清。下。綠。蘿。繞。徑。煙。霞。千。樹。合。望。中。宮。闕。五。
雲。多。披。襟。長。晝。渾。忘。暑。別。有。涼。風。起。白。波。

瀛臺進講二首

鑿馭朝來發建章。瀛臺秋色晚蒼。飛梁疑動龍蛇影。畫舫遙分荷芰香。律呂和聲通政教。時於瀛臺別殿製郊廟編鐘磬圖書大義見羨墻。小臣欲效涓埃報。歲月常從命觀太液旁。

其二

北闕晴光滿禁城。西山秀色照軒楹。宮花的傳香靜。苑柳垂映水明。臺榭雲霞依日近。壇場鐘鼓報秋成。息波久已馴魚鳥。坐久惟聞蟬噪清。

寄懷宋荔裳先生時自秦州遷永平觀察久不得履任音耗

東望盧龍旌旆垂。兒童竹馬候偏遲。十年官跡頻中外。幾地音書歎別離。隴首毒花羌笛奏。秦雲蓮嶽驛筒詩。祇今扈蹕長楊夜。猶夢譚經絳帳時。

懷米紫來讀書山寺並東雲湘二首

古刹春陰迥。松聲遠戶過。况當霏雪夜。自有放懷歌。疊岫寒雲滿。閒庭老樹多。靜中觀物化。高興發巖阿。

其二

馬上看山好。頻催遊興生。春光驚晚晚。卽序近清明。
媿我牽塵鞅。多君擁百城。登臨應有賦。白雪快同賡。

經靖遠伯故第

第有二楸樹

故侯何處去。遺蹟使人愁。甲第朱門改。華堂古瓦留。
深簷嘶代馬。曲檻掛吳鉤。獨有庭前樹。仍傳歲日秋。

過故萬都尉白石莊

駙馬園亭舊。滄桑歲月深。荒榛埋曲徑。羣鳥噪空林。
陰洞朝光入。虛堂野色侵。寒風起幽籟。颯々動愁心。

夏日直講瀛臺二首

纔隨帳殿駐長楊。復扈鑾輿發建章。禁苑自饒巖壑
趣。瀛洲無盡芰荷香。柳陰低映湖光外。草色平分輦
路旁。何幸年來叨侍從。每逢炎暑倍清涼。

其二

玉竦橋旁瀑直通。芳蘅嘉樹滿青蔥。九重樓閣疑天
上。一片雲霞似鏡中。桂榭陰森臨綠水。蘭舟容與任
薰風。侍臣鵠立瞻仙蹕。遙指霓旌太液東。

西苑直講不得送及菴賦贈二首

上苑清和候。懷人意似秋。世情驚失馬。宦况咲浮鷗。
折柳昨宵夢。登高此夜愁。還看太液水。憶爾放扁舟。

其二

每憶彈冠日。聯裾上玉除。只今君去遠。儼直獨攤書。
人事原多近。交情却得疎。未須嗟貝錦。早晚召相如。

午日南苑直中即事二首

上苑逢端午。令人憶去年。禁林張羽蓋。太液泛樓船。

異味天厨薦。珍香秘府傳。重沾莖露醉。歸騎踏春煙。

其二

長揚陪輦日。令節憶家時。芳草青無限。榴花紅幾枝。
望雲牽午夢。苦雨廢晨炊。蒲酒開樽處。遙憐獨我思。

帳房

拱極如星列。紛紜向野開。障風低戶牖。避暑坐莓苔。
愁之棟梁具。慚非帷幄材。羈栖此中久。籠鳥漫相猜。

題田髯淵水西草堂

泖峯深處闢柴荆。天與名賢勝事并。碧藕池塘香霧
重。綠楊亭館麴塵輕。擘箋艷雪推詞伯。飛笥吞鯨戰
酒兵。謾說丘園耽海曲。海天東望近蓬瀛。

季夏友人招遊海淀十首

日麗煖風清。聯鑣出鳳城。塵氛行漸減。煙靄望初生。
樹色開平野。山光趁晚晴。濠梁緣不淺。敢負見招情。

其二

海淀名園舊。却墟去路遙。雲霞輕冉冉。禾黍靜蕭蕭。

遠徑飛黃蝶。穿林度石橋。到來幽興發。發次第討漁樵。

其三

繫馬垂楊下。褰裳坐畫樓。林深渾退暑。風冷似先秋。
鳥覺人還去。雲窺戶故留。憑高思愴怳。身世總浮鷗。

其四

芳草埋孤徑。虛亭受衆香。園中亭名衆香開樽依老樹。席地
接橫塘。菡萏紅兼白。菰蒲綠漸蒼。臨流吾欲醉。隨意
擘蓮房。

其五

山勢經營幻。陰森晝不開。板橋侵荻蔣。石磴半莓苔。
賸藉松杉色。平增洞壑哀。泉聲驚地底。險盡有高臺。

其六

別逸長堤去。流雲送遠青。興來浮大白。步倦倚空亭。
翠鴛洲邊立。清泉樹裡聽。還憐遊客懶。屐齒未曾經。

其七

垂柳陰堪坐。芳荷近可攀。池中盈綠水。樹外得青山。

其八

泉石浮沉際。風塵去住間。佳遊期已屢。幸得在公閒。

不見勺園蹟。

勺園在李園之東。未太僕別業。

豐碑古道傍。風煙歸

幻化。

園門舊名風煙里。

草樹動斜陽。戚里歌鐘歇。名賢卜築

荒。側身天地內。愁與話滄桑。

其九

盛暑風颭冷。高樓歌管清。人來泛秘省。地似近蓬瀛。
臨水多秋思。看山減宦情。翻愁歸馬速。荏苒笑浮生。

其十

歸路煙霞滿。蟬聲送夕陽。迴看樓閣迥。尚戀芰荷香。
浪跡人都去。重來夢不忘。高懷何落拓。準擬泛滄浪。
寄懷梁大母舅仲木先生
舅氏別經十五載。每因憶母感難勝。寄來音問親情
切。閱盡艱危道力增。華髮已聞白勝雪。新交果否冷
於冰。向平婚嫁何時畢。得遂高懷五岳登。

寄懷梁四母舅公狄先生

別離久繫渭陽情。頻向高雲聽鴈聲。客舍閒花當牖
滿。江天孤月透林明。多愁應有詩懷古。善病惟將藥
養生。回首燕山歸夢切。無家不是故鄉輕。

上韋景山奉召泛行於觀德殿進講二首

鳳輦凌晨發。輕雲捧日華。山巒增靄黛。亭榭透煙霞。
馴鶴迎鑿舞。嬌花接蓋斜。宸遊非玩物。問俗及桑麻。

其二

景山朝蹕啟。觀德講筵開。暫息穿楊技。還因論道來。

觀德殿為禁中習射地。雲山開畫幔。雨露浥金杯。聖代橫經重。慚非稽古才。

夏日內庭應制

蕤賓令序曉光催。深殿祥雲拂曙開。喜近龍顏容畫接。忻逢睿藻自天來。時從紫闕沾恩渥。復飲金莖飽德迴。樗朽自慚無補報。願傾葵赤効涓埃。

夏日瀛臺賜宴翰詹官員應制

詔開鎬宴肅朝儀。曾侍紅雲許竝隨。酒酌天漿盈露

掌。膾烹仙鯉出蓬池。瀛洲地近沾恩久。殿閣風回得句遲。聖主右文慈惠渥。寵光特被近臣私。

南苑歲暮口號五首

疎星幾點落平疇。漏永宵寒擁敝裘。上苑自來稱陸海。潮聲夜到床頭。

其二

萬里長風日怒號。帳前帳後滿蓬蒿。垂簾兀坐渾無事。那有閒情對濁醪。

其三

陰雲不降三冬雪。帳裏何堪晝夜風。自是九重恩猛
士。故令噫氣滿寰中。

其四

來日行圍帶木城。初更傳旨遍行營。平沙萬幕無人
語。永夜車聲雜馬聲。

其五

傳聞鑾駕早還京。宛馬明駝取次行。扈從千官皆

忭舞。太平萬歲盡歡聲。

王文靖公集卷六

寧波范光陽

受業

睢陽王式毅

校訂

詩

南苑直夜雪

宵漏一何永。禁寒酒易醒。殘燈人語靜。平野短扉扃。
半夜孤衾冷。微颺朔雪零。無端歌塞曲。愁絕不堪聽。

從獵南苑賜膳恭紀

別館初筵啟。晶盤翠釜開。八珍容厭飫。三爵幸追陪。
講藝陳王道。勤民訪吏才。恩深媿蚤負。豈敢惜涓埃。

立春從獵扈蹕還京
晴晝鑿輿發。平原輦路通。飛梁連遠浦。芳樹隱行宮。
目極三驅外。身依六校中。霓旌正搖曳。前路滿春風。

初秋館試庶常有懷同譜同館諸子

步武看前達。才華畏後生。又逢秋日晚。忽動昔年情。
宦跡浮沉異。離思節序驚。槐陰曾徙倚。依舊滿庭清。

思陵紀事二首

明莊烈烈皇帝陵也御製碑文在焉大駕經過焚楮拜奠

且為下泣感而紀之

帳望思陵路。蕭條易愴神。鼎湖龍去遠。禹穴鳥耘頻。
園寢存先典。豐碑識至仁。後來傳竹牒。莫比怠荒倫。

其二

千載興亡恨。前朝倍可憐。玄黃紛樹黨。門戶競持權。
宵旰憂空切。兵荒勢豈延。翠華憑吊處。也為一潸然。

王承恩墓

承恩明內監也從莊烈帝以死墓即傍思陵命大學士撰碑文奉諭

致祭

曾服貂璫貴。傷心國祚移。主恩原不淺。臣死自無辭。
枯樹園新塚。豐碑待好詞。當時從賊者。寧不愧鬚眉。

九日

上幸景山奉召從行登眺。秋色景山尋。林巒積翠陰。乘輿頻歷覽。重九復登臨。
萬戶人煙滿。千門瑞靄深。隆恩叨侍從。天馬自駸駸。
蒙賜乘天閑名馬

湯泉扈從恭紀

松栢冬猶翠。溫湯此獨聞。氣蒸疑作霧。波煖欲生雲。
仙仗宸遊數。離宮御幄分。濯纓吾豈敢。徒倚到斜曛。
為友題美人對鏡圖四首

春曉紗牕淨。菱花拂素波。含羞憎袖短。顧影畏人過。
不慮生情少。還疑似我多。畫眉今有待。宛轉憶雙蛾。

其二

鸞鏡明秋水。相看倍有情。笑啼同色相。憐愛自分明。

無意遭逢好。非時感慨生。低徊那忍去。還似月中行。

其三

將爾為知己。翻增薄命憐。如何曾一顧。容易別經年。
蓬鬢蕭條裡。殘粧寂寞前。含愁正無限。相對兩茫然。

其四

曉起試羅衣。花鈿影是非。獨憐容似昔。並照事何稀。
暮雨棲孤枕。輕寒透薄帷。自君之出矣。爾亦減清輝。

南苑雪霽陟西岡眺望二首

上林墻外路。西望是桑乾。白日却煙少。平沙樹影寒。
行人衝雪亂。飛鳥破雲殘。古寺荒榛滿。豐碑拂藓看。

其二

雪後風沙靜。千峯翠色開。雲歸連遠岫。木落見高臺。
漁父持竿過。山僧乞米回。幽尋慚未遂。驅馬復歸來。

苑直雜述五首

鏡吹初傳曉。合圍六龍獵。罷夜深歸。月明萬騎寂。無
語。一路寒風透袂衣。

其二
黃鷹架臂白鷹飛。俊骨軒騰世所稀。惟見六軍齊矯首。排空捉得一禽歸。

其三
膳罷方離吳店初。瞭鷹臺又駐鑾輿。君王息馬還談藝。漫擬相如諫獵書。

其四
斗帳栖遲不出房。鳴雷伐鼓遍長楊。那堪野日荒

白。更有驚沙漠上黃。

其五

北望長安暮靄勻。家上祀竈禮新神。遙知諸弟分糖餌。應念長楊扈蹕人。

王五聽曲偶成二首

銀箏錦瑟譜春溫。姁妮情懷窈窕魂。唱到清歌縹緲處。瀟灑疎雨正黃昏。

其二

酒冷燈殘、夜欲闌。曼聲哀怨轉無端。憑誰歎訴生平恨。只歎人間行路難。

世祖皇帝哀詩十首

王正三日侍。龍顏別殿猶承顧。問還忽覩中宵凭。玉几俄驚春晝泣。橋山鳳墀未散爐香細。鸞輅空陳羽仗闌。仍是趨將陪輦地。空峒鶴駕苦難攀。

其二

銅龍夜靜漏聲長。遺詔親裁罪己章。只有圖書陳左

右。更無嬪御侍帷房。元勳涕淚臣心切。大漸從容顧命詳。御榻尚瞻天表近。帝鄉何處白雲翔。

其三

微才只合老蓬池。巷遇遭逢聖主知。紫禁頻趨中夜召。宸遊時傍六龍馳。金莖玉食蒙親授。寶翰天香許自携。久沐深恩嗟未報。攀號莫逮淚如澌。

其四

乾清宮傍杏壇新。近見羨牆寤寐親。圖史觀心開講

席。笙鏞典祀命儒臣。惜陰晝接龍顏數。待漏宵傳
天語真。何意適英初罷御。篆烟寂寞倍傷神。

其五

鸞輿入夏駐瀛臺。載筆頻依御蹕來。直講不因逢暑
罷。從遊時復戴星回。珠簾影入波瀾靜。畫舫香聞荷
芰開。禁柳依然垂兩岸。茂陵松柏不勝哀。

其六

景山馳道接承明。扈蹕登高九日晴。一自哀蟬歌鳳

吹。旋聞悲駟輓霓旌。攢宮晝閉松猶綠。別苑春深鶴
自鳴。苦憶瑤京龍馭杳。林巒觸目涕縱橫。

其七

乘輿夙駕晚雲深。桂館蘭宮駐上林。擊劔鸞孤飛朔
雪。熊蹯豹髓宴春陰。揮毫不廢穿楊巧。羽獵仍傳在
藻吟。芳草漸看生輦路。難從帳殿聽鳴琴。

其八

鳳旆龍旗發帝京。千輪萬馬扈行營。溫泉詔幸原先

孝。冬狩宸遊為訓。兵。每自合圍詢政典。時還止輦問
蒼生。懸知窮谷深山裏。到處吞聲哭。聖明。

其九

尚憶當年侍講闈。親聆天語辨危微。鷺湖鹿洞無
同異。白社黃冠有是非。書殿晝閒雲漠。梵宮春掩
草霏。雲程象馭何時返。願徹無生學息機。

其十

明裡樂律叶薰絃。盛典欣從賦藉田。道協神人開禹

服。功兼創守卅姬年。新移御蹕中宮右。旋觀遺弓西
序前。幾載金門曾待詔。不禁遙望淚潸然。

午日憶舊感懷東曹厚菴學士三首

鑿與清暑駐長楊。翠幙平分輦路傍。侍宴同沾仙掌
露。賜衣仍給上方香。一從遺鼎悲雲樹。無復橫汾掉
錦航。令節不堪回首處。蒲菰依舊滿迴塘。

其二

瀛臺端午御龍舟。講席詞臣許共遊。玉璫橋陰波似

鏡水雲榭冷夏如秋。煙霞盡鑠金鋪靜。荷芰香空別
殿幽。拜賜還餘官扇在。一瞻宸翰淚難收。

其三

善病常關聖主心。講筵歲又被恩深。攝生藥餌馳
中使。禦雨衣裳賜帑金。漫溯往年稱際遇。休將薄宦
論浮沉。只今佳節嗟離索。應憶聯鑣入禁林。

母夫人忌日感賦

嗟余十二齡。昊天奪母遽。忽失鞠育恩。哀哀昏達曙。

洒淚捧枯槎。音容杳然去。三十四年來。慈訓茫無據。
此日拜高墳。萬感煎吾慮。晨曦淡松楸。寒風慘徒御。
猶憶永訣時。哽咽執手語。兒其勉立身。慎勿耽逸豫。
望兒早成人。兒壯母何處。空懷孺慕忱。無由勸七箸。
長念母遺言。庶幾永終譽。

夏日喜雨四首

端居避煩暑。澄慮棲林屋。空林多鳥聲。垂簾翫修竹。
暄妍晨光流。恬我心與目。休暢物皆悅。適情豈在獨。

古歡良可借。忘言對琴筑。

其二

東榮有嘉木。寄靜移日永。蒼上樹色深。浙上竹聲警。
垂雲御風行。澍雨落俄頃。灑潤吐涼緒。決漭生夜景。
膚寸饒廣澤。天心自閒整。

其三

雷雨一夕足。朝曦海嶠生。雲霞散光彩。池館昏清明。
林香發餘潤。蕙藉搖新晴。歡來本無迹。觀者寓目成。

俯仰同茲樂。何用被嘉名。

其四

新田秀良苗。簷端垂碩果。幽人尚岑寂。靜女心婀娜。
金盤薦冰桃。細嚼抑炎火。徂夏猶鬱蒸。蚊蚋形細瑣。
新涼為掃除。偃仰聊覺可。

其五

日白天高鴈影寒。蒹葭八月葉聲乾。百穀登場知應
候。趣飲何敢勞農官。田家作事詎肯後。及時刈獲如

避寇。不然風雨一時來。毋乃盈疇遭傾仆。况是三時
耕耨勞。遺秉滯穗皆脂膏。滌場築圃畢露積。命我婦
子開春醪。每誦邠風七月章。朋酒殺羔躋公堂。萬寶
告成歌大有。百禮既洽邦家光。君不見道旁觀者淚
縱橫。百畝又屬他人耕。

送徐公肅南歸三首

送君歸去倍含情。猶憶長楊扈獵行。輦路今看秋草
遍。片帆遙傍暮雲輕。

其二

射策承明第一人。賜衣錫宴沐恩頻。還家父老爭相
問。遙指橋山共愴神。

其三

西風寒雨送歸舟。紅蓼黃花逼暮秋。何日論文樽酒
會。相逢重與話離愁。

夢

蕉鹿從來幻。勞生暫息機。漫同蝴蝶化。不逐雨雲飛。

覓醉欣逢友。思家便得歸。無端驚玉漏。惆悵景全非。
冬日雜詠六首

默坐羣動息。萬籟俱不聞。觀心在須臾。思慮無紛紜。
靜中有至理。微妙殊難分。寒威逼重爐。香氣仍氤氳。
披帷見新月。西山開暮雲。

其二

青嶺上松。磊砢澗中石。相閱無冬春。相映發深碧。
猿鶴馴左右。雲煙起晨夕。迢迢望華原。逶迤屬阡陌。

紫芝禁中秀。幽蘭洞口隔。芬芳有代謝。歲序倏疇昔。
棄置豈足悲。迂迴脫行役。超然感予懷。此身本如客。

其三

疾風吹木葉。怡悵動遐心。遊魚樂深淵。飛鳥思故林。
遙迹越前途。慄慄如臨深。紛吾有內美。羈勒安所欽。
雲霞滿眼間。羨彼西山岑。馳驅誠悔昔。覽分還悟今。
世情猶未達。慚賦白頭吟。

其四

西隣守閨寂。東家咲喧闐。悲歡有殊致。致感遇理固
然。磊砢青松枝。不及桃李妍。寒暑無停軌。所貴在目
前。荏苒百年內。得失黯自憐。緬懷古昔人。盛衰殊變
遷。世事如浮雲。聊為達者傳。

其五

幽蘭標孤芳。香氣鬱漫口。一朝朔風來。零落委荒寒。
英華頓消歇。反覆如波瀾。曦光漸西徂。隆替匪一端。
寄心託黃鵠。羈跡同鸛鸞。浩歌歸去來。無嗟行路難。

其六

凌晨上苑來。雪後野更靜。極目惟白光。遙林耿疎影。
孤邛人語稀。宿霧山容迥。徘徊悅清曠。况乃俗慮屏。
復隨飛蓋西。車馬陟途永。冰滑畏傾側。撥草避深井。
日夕始得休。晏坐寒燈秉。勞上行役間。高情念箕穎。
夜飲懷舊有感
良宵自公暇。壺觴快相聚。高譚久轉清。披襟豁情懷。
憶昔少年時。清狂多謬誤。江河日東下。曦光歛朝暮。

艱難益神智。潦倒發深悟。切磋藉良朋。提撕始知懼。
靈禽漫棲遲。詎不惜毛羽。佔畢勤幼學。雞鳴歷風雨。
荏苒入金閨。碌碌無所樹。每懷積薪歎。歲月何馳鶩。
風雲一朝合。迴翔騁皇路。簪筆侍至尊。垂紳守貞
度。步武希前賢。徽踪良可慕。世態多紛紜。險夷莽交
互。雖無按劍時。恐致投杼怒。康衢謹持轡。馳驅屢回
顧。開卷懷遠觀。忘筌領深趣。覽古哀盛端。往來鮮停
駐。榮名衆所嫉。長慮蛾眉妬。

春日悼內四首

何事堪回首。中宵盡閣虛。空床餘枕簟。良夜罷琴書。
永逝真憐爾。幽途可念予。一天新月色。猶自到閨闈。

其二

門內無知己。行上影亦孤。苦辛予自識。天折爾何辜。
蕭瑟風吹幔。陰森雪載途。高天不可問。多感况吾徒。

其三

春色晚蒼苔。簷前燕羽翔。涼風吹短牖。細雨濕空房。

彷彿渾凭几。徘徊似整旌。傷心兼觸目。是處那能忘。
其四

惘々心如醉。深宵獨掩扉。學書空閣筆。紡績永停機。
花下魂依約。燈前影是非。無從訴悲咽。漫擬雉朝飛。
賈膠侯中丞補刊石經歌

石經漫滅不可數。載籍雖存孰能補。剝蝕如看魯壁
書。模糊或似周王鼓。中丞睹此為惘然。鳩工礱石重
雕鐫。勞々檢閱無遺帙。一一點畫規前復見全書走

天下。儒林觀者咸驚詫。摹榻還爭老輩能。摩挲已倍
當時價。余曾把卷細沉吟。知公好古心力深。中丞美
政今無伍。三秦萬戶歌且舞。至如此舉尤可師。正及
吾皇典學時。

子夜四時歌四首

方春日遲々。昏曉知未知。繡幃莫輕揭。恐被春風吹。

其二

暑氣臨宵薄。羅紈在枕側。君心比團扇。妾心重顏色。

其三
蟋蟀鳴不歇。黃葉落初響。綺窓霜月過。流螢度虛幌。

其四
門內蕪蘭麝。門外滿冰雪。雪消已多時。香煙無斷絕。

作蠶絲四首

一絲已在手。心隨百絲轉。中間不斷絕。將來成匹練。

其二

春蠶附柔桑。上葉採自難。將蠶比飛鳥。何以有羽翰。

其三

蠶絲淨如雪。窓前慢把翫。那得成錦紋。絲上自相貫。

其四

織手弄絲時。笑我顏色好。春蠶相向多。幽心亂如草。

壬寅孟春時享恭進祝版遇雪有述

北闕同雲凝曙輝。輕飄落絮點朝衣。春初已覺餘寒淺。歲首還看瑞雪飛。捧案祠官趨紫禁。分行祝史出彤闈。殿中幸得瞻天表。猶似當年侍講歸。

春雪赴先農壇齋宿

遣祭太歲壇

古壇松柏晚含烟。默聽隣鐘倍悄然。別向紫垣開小徑。重尋碧甃接平田。疎燈遠引初來客。微霰輕飄欲暮天。獨憶先皇巡幸日。六龍經此每留連。

春夜聞箏

何處理秦箏。傳來子夜聲。繁絃寫幽怨。纖指訴春情。顧曲西隣隔。懷人好夢驚。還應傍新月。一照舞衣輕。

夏日約同諸子小集城南祖氏園亭四首

撲性耽幽僻。乘涼池上過。兩餘山色近。林靜鳥聲多。積翠翻庭柏。飄紅泛沼荷。良朋枉軒駕。佇聽郢中歌。

其二

論交思大雅。傾蓋快相逢。北海樽堪繼。濠梁興正濃。渚萍香氣細。園柳綠陰重。更訂尋幽約。秋山策短筇。

其三

城中饒熟客。郭外渺江湖。徑僻塵難到。林深暑欲無。

世情紛塞馬。鄉思動吳歎。夕照晴波上。峯巒入畫圖。
其四

池塘消夏飲。亭榭晚涼初。客盡三吳彥。談探二酉書。
披襟聊偃息。把酒各軒渠。投轄休辭醉。高談賴起予。
父叔山中歸。言香山退谷秋色之勝未及。從遊

張然有作

春時載酒到來青。遊屐曾過退谷亭。聞說寒山秋漸
老。為看紅樹葉初零。晴空鴈影樽前落。靜夜泉聲枕

上聽。却媿塵勞歸馬速。望中雲壑遠冥冥。

甲辰知貢舉坐至公堂漫成二首

鎖院風簷簾幙低。傳呼近接漏聲齊。石渠給札朝揮
翰。太乙分光夜映藜。星漢煌煌天欲曙。雲霞冉冉月
將西。凌雲鍛羽須臾事。漫道春風送馬蹄。

其二

抱璞吹竽數偶奇。儒冠吮筆靜含思。明經帖括曾三
試。射策掄才又一時。獨樹微風聲細。虛堂落日影

逢上。難忘舊歷辛勤地。敢謂文章結主知。

夏日

上幸瀛臺賜宴泛舟恭紀四首

觚稜碧瓦入雲中。馳道松陰望不窮。瑞氣遙從三殿接。歡情日與萬方同。澄湖光映旌旗色。寶鼎香連荷芰風。禁苑從遊恩禮異。頻聞天語及臣工。

其二

宴賞殊恩錫九重。芙蓉千疊曉煙濃。崔巍桂殿林端

見。窈窕晴巒鏡裡逢。露浥金莖擎翠蓋。波分玉液啟黃封。乘槎漫擬橫汾會。擁楫叨陪霄漢蹤。

其三

水雲榭冷夏如秋。玉鍊金鰲影對浮。蓬島遊龍張御幄。瑤池仙鶴泛中流。羨和瓊俎天厨供。冰薦晶盤暑氣收。从綴駕行恩最渥。波添太液共悠游。

其四

昇平樂事艷陽天。膏雨薰風綺宴前。勝賞祇應仙蹕

駐。温綸教何侍臣傳。分林翠柳迎鑿密。泛浦紅蓮映日妍。滿酌堯尊濡既醉。還思載筆奏甘泉。

七月五日兒輩於容園治具為壽奉大人及四叔偕諸弟兼約眉山孝儀淑汲小集即席有

作

雨後園林載酒過。為逢初度奏清歌。兒頻稱壽身將老。年近知非悔尚多。且喜椿庭眠食健。更聞鴈序室家和。良朋雅有登臨興。臺上秋光映芰荷。

王文靖公集卷七

受業 清苑張復 宜興潘宗洛 校訂

詩

正月十三日夜雪宴客

帝里風光好。良宵近上元。歌鐘入夜動。寒雪到春暄。影映華燈淨。花添火樹繁。留賓投轄飲。歸騎莫令喧。

十四夜家讌

轉律春猶淺。輕飈晚尚寒。畫屏圍綺席。玉笋醉辛盤。
皓魄當筵照。銀花近檻看。藏鈞歡未已。何事報更闌。

上元

令節多歡會。從來數上元。朱輪填九陌。綠鬢倚千門。
人影香塵亂。歌聲午夜喧。華堂家宴啟。燈火耀芳園。

十六夜飲

雅讌家庭會。連宵懶去眠。金尊浮綠蟻。銀蠟吐青煙。
火樹飛花艷。冰輪散彩妍。歡娛長不夜。珍重太平年。

送王蓼航分述贛南二首

河梁樽酒話生平。畫戟朱旂出帝京。天入章江秋浪
濶。山連廬岳晚雲清。風謠漸與殊方近。雨露應隨使
節生。却憶鳳池同載筆。夕陽携手不勝情。

其二

鬱孤臺迥接崆峒。水盡西江控粵東。幕府由來專節
制。旬宣今已屬明公。雲霄路出千山外。南北情深一
別中。莫忘尺書頻遠寄。每從闕下候歸鴻。

送程周量出守桂林三首

親見長卿成賦日。廿年袍澤最關情。風雲尚阻三霄路。瘴癘還為萬里行。吏治應推廉叔度。詩情寧讓謝宣城。獨憐南去灘江水。忍聽琴中流別聲。

其二

莫從宦海嘆沉浮。身縮金章百粵游。蠻洞人迎新刺史。熊幡官拜古諸侯。湘江夜雨濤聲壯。桂嶺秋風翠羽稠。聞道海南同五嶠。家書頻寄慰鄉愁。

其三

積薪遷次久堪嗟。粉署為郎始建牙。漫道文翁宜蜀郡。真同賈傅困長沙。南雲書斷衡陽鴈。西嶺香濃叢桂花。聖代即今多雨露。肯教才子滯天涯。

青箱堂晚集漫興

照雨燈花冷。蕭蕭葉上聲。秋陰當夜靜。螢火透林明。選勝頻移席。徵歌細按箏。酒闌賓欲散。歸去不勝情。賦得寒夜聞霜鐘

暮色淨寒煙。清音倍悄然。輕風搖古木。片月冷高天。
夢覺深更後。聲來曉漏前。無端起幽思。身世憶當年。

春日奉 召 涼鷹臺侍從大閱賜宴恭紀

十年重到涼鷹臺。晚色依然上苑開。大閱曾隨龍駕
駐。春蒐頻奉屬車迴。旌旗隊合三驅法。甲冑光生七
萃材。尚憶當時陪輦地。斜陽芳草鳳飛來。

盤山舍利塔二首

寶塔真同霄漢齊。蒼茫一覽衆山低。憑高無限登臨

興。回首長空日又西。

其二

長松如草石如苔。化盡塵寰幾劫灰。絕頂晨鐘聲到
處。邊鴻沙鳥一時回。

贈吳耕方編脩十六韻

耕方左官國子博士先世亦兩為是官索詩因贈

有美延陵彥。無雙國士推。

先皇親擢第。秘閣共燃藜。文字中朝貴。才華 聖主
知。春雲鴉鵲觀。夜雨鳳凰池。學以醇儒重。官因令甲

移。暫辭青玉案。來坐絳紗帷。鐘鼓陳謨訓。宮牆肅禮
儀。李膺今是範。王儉舊為師。在昔聞先世。皆為胄子
司。有孫今宦達。念祖寄遙思。清挹園橋水。竒尋石鼓
碑。傳經聞典故。化雨洽心期。接武方裘在。前光奎壁
垂。終期資補袞。搖珮傍龍墀。

恭進

太宗文皇帝實錄禮成恭紀

鴻圖天地啟。燕翼古今昭。義例經為史。勳華舜紹堯。

捧持欽琬琰。進獻比芻蕘。展采來三殿。揚聲達九霄。
就瞻雲日近。見憶禹臯遙。盛典覃多士。歡心暨庶僚。
禮成欣虎拜。技小愧蟲雕。金匱留神跡。千秋憲聖朝。

初秋連雨賦得積雨空林煙火遲

芊綿綠草靜含淒。踈竹青連屋角低。高樹和煙垂露
濕。遠山如水接雲迷。呢喃燕子來深院。漱灩波光浸
曲堤。漠漠濃陰疑晝短。晨炊終罷夕陽西。

題畫

弱雨立輕紅。繁英簇深碧。藉草人未還。蟲聲響秋夕。
秋雨客有限者也。二字為韻。戲應二首。

初從庭樹聞。漸洒疎窓者。歷々枕邊聲。幽夢難成也。

其二

蕭々清響中。對酒高歌者。此際易生愁。開懷且醉也。

冬日海棠二首

地爐香煖錦屏斜。麗影當軒散晚霞。借取遊絲牽月
出。清光偏映海棠花。

其二

爛熳先春早放時。西園花事尚嫌遲。即防桃李紅侵
眼。更障寒風莫近枝。

送四叔赴永州任十首

二十年来相見稀。六千里外又睽違。孤舟一去衡陽
遠。極目南天少鴈歸。

其二

往歲行時木葉零。今年送別柳條青。春花秋月關愁

思。人事浮生似轉萍。

其三

白首相看老弟兄。依仁叔侄更含情。清尊折柳長亭日。怕唱陽關第四聲。

其四

未別先愁送別時。瀕行故欲緩行期。無端又值梨花雨。春色離情滯酒卮。

其五

三徑閒園欲暮天。寒風踈雨晚春前。將離欲放重開讌。知道歸來又幾年。

其六

園柳垂條綠漸低。庭花漠漠草萋萋。欲憑春色遲行轡。啼鳥聲中日又西。

其七

畫船簫鼓白蘋洲。芳樹斜陽古渡頭。去路縱逢春景好。知君回首不勝愁。

其八

薄宦羈棲歎數奇。老年還似少年時。今朝仗劍出門去。七十登壇莫厭遲。

其九

幽燕老将舊聞名。君去瀟湘好論兵。聖主好文兼好武。莫將孤矢負平生。

其十

唱徹驪歌淚滿襟。洞庭遙隔楚雲深。臨歧把袂慇懃

說一紙平安抵萬金。

齊中獨坐有感

觀書增萬慮。今事古人傳。薄宦徒鞅掌。浮名豈百年。

空林霜葉落。舊幕冷風穿。漫憶平生跡。無端轉默然。

送友歸越

長安之子去。大雅一時稀。風鶴驚初定。尊鱸興不違。

夕陽催旅鴈。木葉落征衣。遙想柴門外。湖光可樂饑。

送李鄴園總督兩浙二首

東南重地藉元臣。少宰承恩出紫宸。為有訐謨騰闕下。遠煩旌節蒞江濱。民依昔日經營舊。君命今來

其
其二

憶昔看花聯騎出。共彈流水在師門。鄴園為余飛騰同門友

自致天曹貴。鎖鑰今知制府尊。海內持衡歸使相。中

朝寵命特臨軒。歌驪不盡拳拳意。霖雨蒼生答聖

思。

七夕偶感

天上星河迥。填橋事渺茫。總憐瑤瑟斷。早覺蕙帟涼。

遠岫當樓入。孤鴻帶雨翔。白榆銀漢外。何處可相望。

容園月飲即席

薄晚園林登眺情。高臺雨過暮寒生。山藏落日峰陰

翠。樹逼初秋夜色清。雲淨蒼旻留皓魄。露浮沆瀣接

瑤京。憑高已有冷然想。縹緲鐘來何處聲。

許生洲微思研齋詩用東坡龍尾研歌韻賦贈
龍尾化去真可惜。何日還歸同趙璧。相送終老憶東
坡。詩句琳琅留片石。高陽風雅冠今時。翰墨爭傳絕
妙辭。一麾出向蓬萊住。夢中貽贈成心知。髯仙蟬蛻
已離垢。至寶寧為世間有。虛存薌澤在空齋。琉璃欲
貯羞牛後。芳谷悠々空白雲。想像遺芳歎隔塵。聊將
十笏藏書地。寤寐當年贈硯人。金星鳳味勞推擇。臨
池煙雨供鈎畫。玉堂草詔待君歸。褰帷只作三年別。

甲寅元日早朝恭紀

元正朝會綴駕行。待漏鳴珂入建章。日麗金鋪輝紫
極。春迴黍谷轉青陽。天香近繞龍墀細。仙莢初開鳳
曆長。韶奏千官同拜舞。共球萬國集梯航。

立春夜飲即事

扈蹕歸當夜。開筵正入春。園林凝翠靄。歌吹動清塵。
寒向條風退。梅傳淑氣新。弟兄依杖履。介壽及芳辰。

元正二日雪集容園分得先字

芳春欲向小園偏。五出花飛百卉先。曲檻危橋人跡少。空亭古木鳥聲妍。千峯影接同雲外。萬卉光浮鳳闕前。雅讌辛盤期共醉。還憑清景卜豐年。

正月三日雪中觀出師

六詔烽煙達五溪。王師飛旆下黔西。千群罷虎天成壯。萬隊騰驤鐵騎齊。畫角聲隨牙纛轉。雪花影拂翠旗低。點蒼銅柱銘勳日。姓字還從麟閣題。

春日曉晴望西山積雪

東風吹日掛扶桑。萬壑千峯映曉光。古木棲烏殘雪外。瓊臺玉宇白雲旁。低埋曲澗流泉澁。高砌懸崖古洞荒。遙憶蒼茫最深處。寒林蕭寺磬聲長。

直中望雪

霽色千門啟。寒光萬嶺封。遙連龍塞迥。近映鳳樓重。坐覺清輝滿。翻令幽思濃。蒼茫數峯外。何處響疎鐘。

落花二首

風暖杏林清。輕霞一片明。閒園臨水靜。斜日帶山晴。

檻外遊絲滿。塘陰細草生。綠肥紅欲瘦。春晚不勝情。
其二

羅帷枕簟清。午夢覺偏明。紅雨鋪幽徑。黃鸝叫晚晴。
垂楊飛絮舞。新水浪紋生。鳥語花香外。含愁別有情。

詠螢

螢度閒亭靜不譁。晚涼香散素馨花。依人近檻臨書
幌。帶月窺窓點碧紗。丹上清輝承露潤。飄上弱影受
風斜。絺帷湘簟堪憐少。曾照當年讀五車。

獨坐有感

蒲柳慚非松柏姿。行藏潦倒愧清時。吹竽鼓瑟何工
拙。泉石膏肓性自宜。

秋日遣興

幸無車馬至。日與一編居。風雨添佳句。江湖阻素書。
梧桐吹更落。楊柳靜還疎。即此忘塵世。何須賦逐初。

七月二日祖園荷亭即席分得江聞二字

清池夾岸水淙淙。木杪危亭接石缸。柳色陰陰垂曲

檻。荷香細細到晴窓。青蟬過樹聲還續。白鷺窺人影
亦雙。避暑莫辭河朔飲。渾如畫舫泛秋江。
朝來微雨洒塵氛。近郭園林足樂羣。宛轉踈籬環水
石。陰森夏木鎖煙雲。花香時有薰風送。鳥語偏從夕
照聞。諸弟開樽吾欲醉。碧筒催飲更慇懃。

蕭林秋日過摩訶菴

閒向招提去。雲光逼暮秋。鳥鳴深院靜。葉落一林幽。

古殿聞清梵。高樓敞遠眸。况逢支遁侶。話舊足淹留。

九日登高限陽字韻

東籬不見菊花香。好去登高野水傍。千疊雲山環夕
照。萬家煙樹正重陽。彎弧競學穿楊巧。縱酒休誇落
帽狂。何日凱歌南服靜。江山依舊拱金湯。

夜聞秦警有感

元戎消息苦難真。鐵甲金戈誓定秦。共道祭遵憂國
久。驚傳來歎隕生新。魚腸慘喋千秋血。馬革哀函百

戰身。西望神傷銀夏路。虎牙留後屬何人。

送四弟之任奉天別駕四首

楚舞吳歌勸酒頻。停杯不語各傷神。樽前有客將千里。膝下承歡少一人。宦况飽看遼海月。鄉心漫憶錦堂春。寒風朔雪荒涼地。念爾關山獨去身。

其二

臨歧含淚把衣裾。與爾情知相見疎。七十椿枝容鬢改。百年荆樹別離初。河橋車馬寒林外。笳吹關山落

照餘。回首一堂歡笑日。相思兩地夢何如。

其三

濁酒青燈坐夜闌。依上無語兩相看。一生骨肉聚來久。此日烽煙別更難。沙塞黃雲迷去鴈。榆關白日冷征鞍。加餐苦憶高堂語。客子長途影亦單。

其四

瀋陽今日是陪京。遼水松山舊有名。遊覽幸逢官得暇。分離怕是歲頻更。且將書卷供晨夕。莫遇登臨憶

弟兄况有青蓮同舍客。鄉關西望更含情。

除夕

旭日和風接令辰。梅花綠勝望中新。纔看華燭消殘臘。又聽晨鐘入曉春。年近知非行漸老。酒當婪尾莫辭頻。斗杓子夜傳寅正。好共鳴珂謁紫宸。

丙辰元日早朝遇雪

元辰瑞雪慶豐年。積素凝華紫禁前。銀漏聲隨雞唱迥。同雲光映鳳樓懸。輕霑劍珮陪雕輦。亂點旌旗拂

篆烟。扈蹕又稱長樂壽。欣看清景內朝旋。隨駕詣

長春兩宮行慶賀禮

元日雪晴偕弟子喜及兒克善偶過怡園

閒園雪後一登臺。小閣平臨萬井開。北闕晴光瞻日近。西山霽色送春來。風迴舞絮驚飛蝶。樹動飄花似落梅。清景芳辰莫虛度。暫留歸騎共徘徊。

元正四日喜陳皆吉姊丈至

每逢令節成佳會。今歲多君更蚤來。路遠祇愁春雪

涓。談深不覺暮鐘催。疎林影掛新生月。小閣香飄半
放梅。栢酒辛盤應盡醉。老親且喜笑顏開。

人日侍家大人怡園接飲謹步原韻

樓帶春城麗。牕看遠岫微。筵開人日酒。庭舞老萊衣。
煙柳含風軟。昏鴉啄雪飛。年光無限好。隨意賞芳菲。
侍家大人偕張豫章張左人及諸弟兒克善小

飲怡園

芳辰饒逸興。乘暇過園林。共酌杯中酒。彌清塵外心。

虛牕搖老樹。斜日噪春禽。况有羊求侶。悠然三徑深。

辛酉扈駕恭謁

孝陵二首

千峯萬壑拱元宮。展謁羣欽聖孝隆。旭日雲霞紛
靉靆。芳春松柏鬱青蔥。祠官具禮蒸嘗肅。羽衛分屯
虎豹雄。猶是當年陪輦地。不禁痛哭望遺弓。

其二

先帝升遐二十年。小臣幾度拜陵前。歲華易逝行

將老。思遇難忘。竊自憐。憑几昔聞^曾末命。垂衣今共戴
堯天。歸途回首。瞻虛殿。芳樹斜陽。倍黯然。

上駐蹕馬蘭峪。召扈從諸臣。賜觀湯泉。應制

天作螭龍虎。神臯控薊燕。獻琛千百國。卜曆萬斯年。
出震當韶節。乘乾歷近疆。時巡霄漢上。茂對翠微邊。
帳殿暉丹麓。霓旌藻碧阡。繁花霏積雨。嫩柳宿輕煙。
詔許探奇勝。追隨詣福泉。雍容天語穆。優渥

恩宣。首路馳銀勒。遵途躍錦韉。蘭坊開桂闥。玉甃架

珠淵。環珮千行戛。珠璣萬斛漣。滄溟黃霧合。天矯白

虹旋。暖似鄒吹律。薰如舜鼓絃。坎行仍煥若。冬序亦

暄然。游泳懷逾愜。沿洄疾自蠲。行宮依峭嶠。精舍俯

潺湲。白石存遺記。青苔蝕舊鐫。松風生衆壑。花雨近

諸天。孝治今皇篤。巡遊此地偏。寢園瞻戀切。展

謁歲時便。

聖母行皇覽。神孫奉御軒。宛如鳴鳳嶺。真覲濯龍

川。沆瀣顏彌駐。丹砂體欲仙。茅茨崇朴素。雕繪汰華

妍不改。楹斫製。巋然拱。椽堅。昆明羞漢侈。積翠省唐
愆。擊鼓。宸表恤。獲鋤民力全。小臣叨異數。佳賞信
竒緣。登眺時忘憇。徘徊暮未還。向榮同卉木。沐澤比
淪連。盥手煩襟滌。充腸俗慮湔。慙無興慶作。欣奉栢
梁篇。通籍逢昌曆。賡颺續舊編。高深依覆載。報答矢
埃涓。衢室歌堯儉。卑宮頌禹賢。撓捨南紀靖。景慶北
辰聯。禮樂隆千古。車書混八埏。未能窮贊美。長此冀
陶甄。

送康康山郡丞

康以相地授官

雄關司察護。郊畿佐郡榮。分刺史。緋。傍塞閑雲春。窈
窕。統陵佳氣日光輝。書傳郭掾青烏秘。政最黃丞紫
鳳飛。相宅功成資保障。楚材雖衆似君稀。

六月六日 恩賜恭紀四首

祥景風來玉殿涼。日長晝影轉脩廊。宸遊清問傳
中禁。恩賚珍藏自上方。寶器輝煌頒貢收。織文巧麗
勝明光。叨陪鷓鷯同趨拜。彩筆難工愧頌颺。

其二

穆清夏日侍宸居。慶賞乘時布玉除。器賜瑞圖頻
應後。篚頒祥繭效成餘。刻銘金石思難狀。參兩乾坤
德竝如。泰直綸扉承寵渥。欣將盛典殿前書。

其三

自拜褒綸入鳳池。年中榮遇疊相隨。賜聯裘馬成三
錫。寵接冬春各一時。絲黍細求臣效少。化裁重荷
主恩私。太平身遇知多幸。宣謝從容出殿遲。

其四

太府珍擊給事郎。口宣恩語發天光。彛舟雲湧
流鮮澤。綺縠霞鋪盛采章。液滿常同浮白玉。裳成先
擬獻朱陽。攝齊拜舞星辰上。萬壽頻稱樂未央。

送徐敬庵督漕淮陰

長淮之南接江步。二月鶯花滿江樹。夏卿奉詔護漕
儲。四牡駢下芳草路。驪歌三唱響春林。情比澄潭千
尺深。臨歧擬作銷魂賦。惜別寧同越鳥吟。當年京洛

君遊早。先公初覲相。傾到絳帳。因成孔李交。青箱共
結雷陳好。人才傑出真無敵。令我思古心實獲。東海
文章照日星。南林諫草垂金石。旋持繡斧巡醜政。張
綱桓典無多遜。功高特拜大中丞。青齊墨吏聞風遁。
停雲思繞蓋公堂。庭衛清閒燕寢香。六郡爭輸金似
土。二東罷賦酒如漿。三載政成風俗美。中朝恩趣舍
人裝。追鋒特賜方西上。督運須才復南下。朱幡擁出
舊埋輪。玉勒索來新賜馬。早歲徐揚惠已深。此日蕭

韓臂堪把。淮陰城外水涵。御書捧出紅雲高。知
君苦節晚彌勵。仰酬主眷惟賢勞。預識軒車開後
戶。珍重臨行脫佩刀。

午日瀛臺 賜宴恭紀

麗景臨流敞御筵。萬年嘉樂令辰偏。荷心瑞露零天
酒。水面薰風入帝絃。棟黍擘香縈綵縷。蒲蘭搖影浴
清淵。涓微擬欲酬恩海。舟楫無功愧昔賢。

王文靖公集卷八

詩

先慈太夫人忌日展奠先塋感賦二首

野外何蕭瑟。山容望裏微。鳥栖枯樹少。人度板橋稀。
茅屋遠還見。却煙近轉非。詠詩憐陟屺。灑淚對斜暉。

其二

受業

桐城姚士藹

石屏盧炳

校訂

薄宦人嗤拙。脩名母念深。回思當日語。悽斷百年心。
古道荒榛滿。高墳白日陰。不堪惆悵處。殘雪掛疎林。

重過桃花寺感賦寺在薊州道旁

十年三過桃花寺。為戀重泉樹杪懸。歲月易過身漸
老。山川無改遇頻遷。空林鶯語來聞院。白日却煙出
遠田。何事登臨多感慨。孝陵東望倍淒然。

賦得千家砧杵動秋聲

千家砧杵動秋聲。丹鳳樓頭玉漏清。深院晚涼疎雨

過。高臺片月淡雲晴。樽前城闕蒼茫影。夢裡關山離
別情。欲寄寒衣渾未得。誰家花下自調笙。

清明即事四首

青山如黛柳拖黃。寒食家上墓祭忙。無那春風送歸
騎。平原芳草又斜陽。

其二

春日遲正春景妍。高粱橋外柳如煙。亭臺歌管今何
處。為憶當時已惘然。

其三
疎籬茅屋兩三家。老樹蕭條噪晚鴉。村徑無人春草綠。東風吹綻野桃花。

其四
大佛殿前雙古松。參天偃蓋似虬龍。遊人不識靜中趣。行過一敲聞暮鐘。

送趙澹園郡丞覲還
貢楚浮湘遠。朝宗入洛初。符同剖竹後。珮攬紉蘭餘。

風土南州記。循良上計書。郵籤津吏數。帆影大江徐。
祖德惟琴鶴。民謠有甌魚。懸知廉吏傳。久已重題輿。
送孫予立編修出使安南

宅交克德遠。賜印漢恩宏。望屬三卿舉。榮分萬里行。
文星臨絕徼。甘露灑前旌。綠水朱鷺站。青林白雉迎。
效靈朝海若。祝聖響山聲。畫冊金鱗細。香箋玉版清。
飛書枚筆捷。却餽賈裝輕。禮序王人大。忠歸異域誠。
寧蠻資上策。贊喜藉高名。何異征西日。傾城送子荆。

送周星公儀部出使安南
遠行冰獨飲。師錫轂交推。使者雙星動。郎官一宿來。
飾終優國典。柔遠藉卿才。通道車南指。迎恩戶北開。
島峯抽筍蕨。海市幻樓臺。過險猿連臂。洄瀧鯉曝腮。
龍江持節渡。鴈嶺寄書回。辭藉行人達。榮生屬國哀。
香含雞舌貴。光動蚌珠開。方布中天德。無煩下瀨才。

送吳無稱南歸兼題和却舊亭三首

商飈蕭瑟動離愁。况復連朝送客舟。鴻鴈一聲孤月

靜。黃花兩岸荻蘆秋。

其二

憶昔江邨旅寓辰。論文把酒結交親。歸時朋輩如相
問。碌上浮名媿故人。春萬物生皆有意。人無事處
自陶真。三木不為春萬物。春萬物生皆有意。人無事處
自陶真。碧溪一帶遠聞亭。脩竹千竿映戶青。君向此中舒嘯
傲。相思頻望少微星。

為田髯淵題畫

菴谿春雨暗青山。渡口桃花相對閒。閉戶先生無一事。午窓鶴夢隔人間。

寄懷馮易齋。相國名園水石嘉。陰森萬柳護鶯花。長教綠野留燕地。每望東山憶謝家。珍重縻絲來岱畝。殷勤錦帶燦雲霞。心銘盛德懷殊切。何日從遊醉屬車。

送汪舟次出使琉球。重譯求頒瑞。分封比削桐。鴻儒離鳳沼。龍節下鮫宮。

振舵常看北。揚帆但指東。有天連水起。無地矗山雄。斗外星聯綴。寰中海會同。安流昭聖德。浪息賴神功。國主迎卿月。津臣拜景風。賜衣麟繞玉。合契虎交銅。去日分莖露。歸當錫寶弓。大荒潮汐水。沐浴帝

光中。落贈江撫。余佞廬。還如汲黯立朝端。露章峻比朱繩。江左蒼生賴謝安。直風采高同碧落。寒瑞世祥鸞揮道路。懷人香草寄

琅玕。搢書不盡停雲憶。卸雪彌高屬和難。人香草

十年調燮翊金闈。恩禮臨行寵御題。司馬為園名秀

野。游巖有谷賜幽棲。三毛頰上追裴顧。千里心期共

呂嵇。猶憶春期遊賞日。堂前萬柳逐風西。

玉堂貴客號神仙。同甲星娥喜並肩。沈令風華梁獨

盛。范卿雲葉采多賢。金闈舉案題新句。畫閣張燈敬

壽筵。更羨鳳毛承帝寵。新綸捧出五花箋。

送田綸霞之任楚中二首

南行正及好春天。張楚雄風喜借賢。勵節清霜籌轉

粟。隨車甘雨致豐年。從今澤國農安土。自古荊州賦

勝田。到日暫施經濟手。還聽鳴珮五雲邊。

其二

十年詞賦主雞壇。題柱才名萬衆看。吳地瑤琨收素

進。楚封魚稻息凋殘。春雲七澤居鴻鴈。秋水三湘採

蕙蘭香草有懷遙寄贈。山川清影落毫端。

送李蒲陽

憶昔軍書旁午馳。紆籌曾借縉雲司。格苗瘴霧消堅壘。奠楚雄風慰遠思。殊喜政成栽柳後。何堪人去看花時。鳴騶暫緩荀龍馭。計日鋒車有詔追。

沈繹堂六十二首

清切紅雲第一仙。玉堂名德有誰前。九秋頻醉茱萸節。六袞新開玳瑁筵。袍簇宮蠶章異彩。香分禁鶴吐

祥煙。風流剩有臨池技。壺液丹成已八年。

其二

卿月高飛侍鬱羅。丰姿清迥得秋多。臯夔勲業看前輩。晁董賢良冠大科。常對金尊人似菊。時從玉殿夢生禾。城南尺五相依近。載酒從君一咏歌。

送郎定庵還中州

父子同時貴莫儔。分疆為伯領諸侯。趨蹌鳳闕聯梁粵。前後鸛班拜魯周。四達岳聰專上考。九年河潤徧

中州。從來。聖代循良重。蓮幕終開第一流。

送郎維垣還粵東

薇堂分治好家聲。亮隲雲屏隔座橫。入計並趨雙鳳
闕。褰帷獨發五羊城。羅浮井雨隨車足。合浦明珠應
月生。憶自旬宣書最後。粵東銅雀解雙鳴。

送裘大文視鹺兩淮

正筴邗江職事雄。南牀豹尾自生風。捧書。詔出星
辰上。叱馭人行霄漢中。八月觀潮來漢節。萬鍾煮海

奏齊功。匡時正賴賢良議。借箸欣看吾道東。

送石瑯公

介圭朝後返江郊。祖道爭陳藪與敖。闕閱鄴樊開右
第。功名卽召擬前茅。久知民頌興吳越。行聽家聲起
奮苞。棨戟南歸千騎從。隼旗雙建閃長旄。

送金長真還江寧招同亦庵讌集

棣棠花畔咏將離。易水吳山去住時。擊筑三人燕市
飲。褰帷千里冶城思。初歸鴈序何堪別。暫繫驪駒莫

歎遲。何日二龍連省榻。分曹對掌畫簾垂。

擬殿試讀卷應制有叙

恭惟

皇上御極之二十一年。九月朔日。進南宮春試所取

貢士二百名。

臨軒賜問。臣蒙被恩澤。同諸臣讀卷於實錄館。又面奉

聖諭。令撰歌詩。臣伏念升進譽髦。聖朝之大典。看詳

文字。儒臣之至榮。每科士子廷對之期。皆季春

既望。今遇

皇上神謀戡定。海宇休和。臨幸鎬豐。禋祀。園廟。告

成功於

聖祖。因展期茲月。先是臣方里居。於今夏特蒙擢用。

遂得承乏其間。既受殊恩。復逢奇遇。誠下情

所希望。千古之盛事也。臣雖才學荒陋。不能著

作雅頌。以歌詠我

皇上壽考。作人之至德。然願依附日月光華。昭垂無極

焉。臣敢稽首頓首。依五言八韻律體。恭撰以進。
發策王言大。掄才帝網寬。虞門四岳闕。月朔一蓂單。
咨訪垂清問。甄收念治安。春攀仙苑杏。秋採國香蘭。
管見人爭獻。璿題衆並觀。材庸慚誦賦。恩厚喜彈冠。
咕嗶臨文易。驪黃顧駿難。對揚封詔紫。惟仗寸心丹。

送同宗湖州太守浴青四首

天台瀕大海。鯨鯢時出沒。君身守孤城。出奇制衝突。
即今影蛇弩。猶號落猿月。徒聞儒將雄。未有封侯骨。

其二

武威控諸羗。軍屯嚴細柳。瀟山樹嘉政。美譽傳衆口。
養拙賦閒居。榮名亦何有。一朝彈冠出。湖山落君手。

其三

賢侯古詩伯。問俗茲遊最。畫舫冒溪煙。人行夕陽外。
清致簿書閒。心與魚鳥會。千秋墨妙亭。遺跡風流大。

其四

彈琴響朱絃。進酒祖長道。羲和騁朱陸。行役苦炎燥。

揮扇風徐來。隨車雨偏好。七月稻花香。君去須及早。

送劉澤遠

迴馬西南入畫圖。摩雲鳥道隼飛孤。銘鏐劔閣千巖秀。字繞巴江一水紆。昔咏民襦增暮喜。新迎縣弩復前驅。劉公紙下人皆悅。實布輕均益郡租。

上東巡親祠東嶽陪祀恭紀六首

皇巡東岱採風謠。裡祀親行盛典昭。仗外峰巒齊拱揖。望中宮闕出雲霄。百神受職隨喬岳。元會貞符應

帝堯。

聖主登臨天下小。徧流甘澤不崇朝。

其二

鴻濛元氣浩無涯。紉縵卿雲護翠華。磴道盤空松似蓋。祠官獻壽棗如瓜。山陰夏積千巖雪。海國晴飛萬里霞。日出俯觀員嶠近。光天之下總為家。

其三

玉輦憑高坐紫庭。方州羅布比碁星。氣縈吳練三江白。勢壓秦峯二華青。山海梯航修貢職。東西形勝儼

藩屏。宸衷四顧周民物。寓內山川盡効靈。

其四

絳節穿雲下太清。笙歌奏雅引霓旌。天花香雨漫空
繞。父老歡心夾路迎。六郡助休蒙帝賚。三冬觀省
洽民情。往來龍輅經過處。山谷齊聞萬歲聲。

其五

魏上功德遍神州。煥發奎文照九丘。八法勻停諸體
備。一言參贊兩儀俾。巖頭麗日同霞爛。石髓鏡雲並

露流。

天語千秋榮錫命。從來嶽瀆視公侯。

其六

幸列班聯效駿奔。昌期難邁邁羲軒。隨遊勝地羅群
彥。圖畫開天奉至尊。宣室受釐膺景福。岳峯親履
問真源。自慙侍從無仙骨。翹首雲霞奏頌言。

登報恩寺塔二首

寶塔雲居最上層。赤烏勝蹟感祥徵。繽紛花雨隨時
落。菊鬱香雲盡日升。煖地夜生千樹火。晴光曉入九

微燈。欲探理窟。窺龍象。試傍青冥拾級登。

其二

岩。堯石磴入雲端。孤影高凌碧落寒。咫尺雲霞生兩腋。東西日月跳雙丸。群山翠黛窓前拱。江水空明檻下看。徙倚上方思極目。松濤杖底起驚湍。

巡河

河流極目藹祥煙。牲璧迎神用告虔。帝德平成無汎濫。王猷允塞罷䟽宣。榮光紀瑞符軒曆。瓠子興歌

小漢年。景貺自天占利涉。川輸岳貢萬斯年。

觀習水戰二首

冬日京江大閱時。臨流教戰建龍旗。營開水面飛雷電。陣合波心奮虎貔。竒正妙閑張地險。波濤久偃靜天池。欣逢廟算多宏遠。南幸猶勤猛士思。

其二

親提將鼓命兵曹。檢校樓船吏士豪。三屬飛光明曳練。六軍喜氣溢投醪。拍天浪湧旗聲壯。遮海雲深帆

影高。盛世詰戎無戰伐。坐看萬國詠弓橐。

多景樓

精舍臨流結構牢。盪胸雲氣靄江皋。寒霜冬積群峰
翠。海汐秋生八月濤。樓閣崔巍疑吐蜃。山川綿亘似
蟠螭。歸來夜色猶堪戀。天鏡晴飛碧落高。

虎丘二首

翠微樓閣水紆斜。背郭橫塘數百家。畫舫煙中催羯
鼓。晴嵐雲外捲輕霞。池邊積雨生芳草。石上秋風冷

桂花。朝夕頻游情不厭。江南景物果清嘉。

其二

蠟屐登山色已揚。况從陪輦竊恩光。笙簧韻合松風
謾。錦繡舟牽水鏡長。千里尊羹羨堪下。鼓。百壺泉酒自
生香。更聞一闋吳趨曲。歌吹昇平樂未央。

上幸明高帝陵特舉祀事恭紀

聖德如天萬物春。鍾山展敬肅明禋。巡行不獨勤民
物。曠典兼行惠鬼神。寶鼎乍焚香馥郁。琅函親進玉

璘。珣。格。幽。禮。樂。通。蟠。際。常。使。聲。華。百。代。新。

扈從登金山恭紀二首

親侍紅雲俯碧蘿。空明無際得天多。晴峰漾翠浮仙
仗。練水澄瀾照玉珂。聖主親臨山效祝。平成道泰
海消波。臣才櫟枿慚舟楫。擊汰中流發棹歌。

其二

芙蓉秀削碧流中。潏灩寒光四望同。殿閣巍峩靈鷲
出。波瀾隱現巨鰲雄。江天夜送千帆月。雲海潮生萬

里風。躡蹬憑高臨大壑。朝宗有頌仰神功。

扈從

聖駕釋奠闕里兼幸孔林恭紀百韻

帝德開堯舜。王風懋禹湯。淵源歸至聖。統緒屬今
皇。百代心符契。千秋道頡頏。臨雍隆典禮。講學肅冠
裳。寤寐親賢哲。甄陶徧黨庠。覃敷文教遠。赫濯武功
張。參贊通三極。含弘暨八荒。醴泉流浩浩。膏露降瀼
瀼。園已遊麟鳳。郊真絕虎狼。會朝班玉瑞。垂拱握珠

囊○泰○運○占○方○永○乾○行○本○自○強○學○惟○明○體○用○理○必○晰○毫
芒○地○衍○龜○龍○教○天○騰○奎○壁○光○鏡○圖○歸○掌○握○山○海○盡○梯
航○中○澤○無○鴻○鴈○平○疇○裕○積○倉○照○臨○嚴○有○赫○咻○噢○視○如
傷○效○順○徵○河○岳○隨○時○若○雨○暘○蠲○租○仁○自○遠○解○網○澤○何○長○
風○動○羣○從○欲○陽○回○立○起○僵○貞○符○逢○甲○子○元○會○際○陶○唐○
九○月○宜○秋○狩○豳○風○正○築○場○康○衢○馳○鳳○輦○飛○騎○躍○龍○
驤○先○問○齊○吳○俗○旋○臨○鄒○魯○鄉○省○耕○歌○夏○后○時○邁○歷○周○疆○
泰○岱○遙○重○接○龜○蒙○近○可○望○青○丘○曾○誌○祀○絳○節○更○迴○翔○

禮○聖○觀○車○履○嚴○師○樹○表○坊○物○章○存○掌○故○考○核○必○精○詳○

集○議○咨○宗○伯○先○期○遣○奉○常○樂○教○曲○阜○習○衣○自○辟○雍○將○

命携國學樂舞
袍服肆習四十日
宸斷超今古尊崇極帝王
命行
三跪九

叩禮為歷
代所無遵○塗○經○費○邑○覽○勝○憩○林○塘○杖○履○如○親○炙○川○

原○未○渺○茫○漣○漪○昭○大○道○臨○眺○煥○宸○章○自費至泗水
東境駐蹕林

泉相傳即子在川上
處御製有林泉記肆○觀○隨○行○在○恭○迎○廁○路○旁○上○公○

深○儼○恪○萬○姓○競○歡○康○列○幕○周○環○衛○齋○宮○做○御○牀○分○曹○

儀○制○備○序○事○駿○奔○忙○曉○漏○籌○初○唱○宵○衣○夜○未○央○紅○雲○

紛繚繞。黃屋獨高昂。玉趾由中道。金貂翼兩廂。升階
容漆。承祭氣洋洋。彩碧輝廊廡。丹青畫棟梁。巍我
聯象緯。陟降見羹牆。我后惟恭默。千官共濟滄。祝
詞親致奠。綴兆儼成行。栒簾懸鐘鼓。椒馨肅豆觴。塤
箎蕙鳳管。琴瑟並笙簧。燭影明於晝。爐煙細不颺。迎
神先奏典。奠帛早承筐。此日芹為菜。當年食必薑。牲
牲羅鼎寶。酒醴挹神漿。雕績陳筵几。薌其進稻梁。具
籩盛棗栗。秉籥舞箎篴。醢鹿軒為脯。彙魚味勝魴。諸

賢叨列席。啟聖報開祥。殷祀欣同舉。褒崇可共當。精
城交冥漠。明德薦馨香。祖烈須揚大。孫謀貴用臧。承
前誰接武。考業孰盈緗。爰歷奎文閣。來登詩禮堂。談
經詳格致。闡易辨陰陽。天語何諄篤。家聲在熾昌。
存心宜勿替。敦行有餘慶。祭畢至詩禮堂。命選孔
諭衍聖公有遠承聖澤。世守家傳。劔佩容猶昨。琴
存忠恕以立心。敦孝弟以修行。等語。劔佩容猶昨。琴
書澤未亡。循墻心自切。懷古意難忘。行教圖傳賜。雲
雷制本高。額題師表燦。御書萬世師。蓋拂廟庭黃。

命以曲柄黃

有地壇名杏。無枝檜似鋼。靈根闕氣

蓋留供廟庭

運。天賦重琳瑯。御製有古石苔斑駁。唐槐肆遠

揚。摩碑知未芾。聞教憶陳亢。復壁藏皆出。寒泉汲獨

嘗。登堂生慨慕。拜墓敬齋莊。樹撫椽檀老。花奪花草

芳。叢菁符易數。竒木植諸方。華表寧歸鶴。端門定集

凰。鳥禽咸感格。荆棘敢披猖。瀆伏流穿濟。山紆翠帶

防。儒風興奕世。大義重三綱。博物知萍實。先幾辨土

羊。轍常環海內。道自任行藏。彬郁從周禮。裁成憶魯

狂。筆真嚴衮鉞。歌豈棄滄浪。漢祀恒相襲。秦灰總不

妨。賞心時至止。撫景每相徻。增域餘千畝。允衍聖

林地十題詩爛七襄。賜衍聖公御賜書篇鄭重

頌錦色輝煌。爵秩恩加厚。松筠操比霜。命講書孔

士其陪祀人員加級入監有差賜一門邀寵錫四

衍聖公祖母陶氏節並松筠額

野樂倉箱。全免曲阜光武喙分肉齊宣陋發棠親光

欣藹。受福詠穰。廣運原無外。高深豈易量。旦明

嚴對越。扈從愧助勩。瞻仰茲何幸。趨承恐未遑。有懷

時抑口待命實皇仁。夙凜心如水。還期道勝剛。誕登
今在望。灑掃志初償。書已先呈洛。星看早聚房。小臣
慚獻頌。拜手慶元良。

咏五臺金蓮花

色正慈雲護。光含佛日西。託根依鷲嶺。分影接招提。
品視仙芝別。香同祇樹齊。宸遊曾覽勝。御墨自天題。

上賜講官御書敬觀恭頌

瑤翰星辰煥。璇題日月懸。文明尊主聖。啟沃藉臣賢。

學本宗先哲。經惟守正傳。悟通丘索外。思竒象爻前。
進講登重席。敷陳上細旃。微言探奧旨。妙義得真詮。
一德謨謀合。千秋禮樂全。榮光頌鳳藻。寵眷溢鸞箋。
結構精神密。飛騰體勢騫。雲霞瞻異彩。魚水慶竒緣。
賜出恩波重。擊歸墨瀋鮮。儒生霑曠典。佳話玉堂編。

王文靖公集卷九

詩

嵩高行為義烈景先生賦

嵩高之山何突兀。作鎮天中推峻極。地靈神降多異人。累代時上出英傑。惟公少小氣不群。雄姿卓犖凌青雲。學書學劍兩臻妙。英勇直壓千人軍。有明晚季

受業

安邑何

遠

校訂

太倉吳

暲

亡金鏡。赤眉青犢潢池競。斗大孤城累卵危。蜂屯螳
聚旌旗盛。公時智力疇與倫。一方倚重為干城。解危
不復摧衆寡。急難安能計死生。炎上六月方大暑。揮
汗橫戈日亭午。陣上鉦聲沸若雷。城頭矢鏃飛如雨。
蛾賊誰知去復還。可憐白骨委青山。陰風野渡燐應
碧。落日荒郊血尚殷。公身雖死名不滅。鄉黨同聲稱
義烈。道旁高冢墓衣冠。過客停車眎碑碣。百年遺緒
賴箕裘。鉅筆鴻篇為闡幽。君不見見嵩山二室摩霄漢。

義烈高風萬古留

殿試武舉讀卷奉 召侍從瀛臺觀馬步射恭紀
廟略超千古。皇威暢八荒。禁中求頗牧。格外選驪黃。
奮武資群力。程材角衆長。樹侯遙畫鹿。破的巧穿楊。
投石輕鈞舉。關弓滿擘張。並馳風躡影。獨舞電飛光。
習貫能常勝。恩深感不忘。喜觀三耦射。得近五雲傍。

白燕時為李容齋賦

君子秉至性。貞脩出群俗。居廬戀松楸。哀思感莪蓼。

血淚幾欲枯。悲雲相斷續。昕夕念劬勞。傷心撫風木。
獨行格天地。嘉瑞來新築。翻見雙白燕。飛鳴競相逐。
羽儀何潔清。冰霜比高躅。麻衣白如雪。棘人方彳亍。
我聞古昔時。孝感應百族。白兔與黃蛇。墓田時隱伏。
吾友純孝行。三年未卒哭。以茲動異類。相依若馴畜。
盛朝隆孝治。經義樹標鵠。萋蒲出天厨。甘露降慈竹。
台榭得曾閔。錫類倡九牧。伊余欽至行。南望時極目。
敢曰揚幽芳。庶幾志相勗。

春日慈仁寺天林精舍看海棠感舊有作

余諸生時

讀書處

少小橫經地。重來歲月深。庭花紛絳萼。砌草靜春陰。
話舊真滬夢。懷人成古今。憐予塵鞅客。投老未抽簪。

傳臚恭紀

堯舜千年遇。雲霄萬里心。教思皇澤溥。賞識主
恩深。皎月飛天鏡。陽春鼓帝琴。願將書獻意。永矢鳳
梧音。

劉公愚司寇入鄉賢

精爽乘箕尾。駉鸞位列星。功名晉鼎呂。廟祀付丹青。
泮水登蘋藻。燕山肅典刑。鳳毛群翹羽。中壘有傳經。
賦得丹鳳城南秋夜長

丹鳳城南秋夜長。蛾眉瘦影怯空房。愁聞羌笛吹楊柳。
不分秦箏譜鳳凰。無定河邊雲黯淡。不周山外月昏黃。
傷心夢裏邊庭路。木葉蕭蕭鴈幾行。

初秋夜月二首

新秋雨過正微涼。小院堦前茉莉香。坐到夜深人語靜。
紛_々花影落迴廊。

其二

清光一片透簾櫳。紈扇輕遮燭影紅。漫唱伊州頻勸酒。
良宵莫聽隔隣鐘。

贈李箕山二首

平生雅興在林壑。春水秋山蠟屐難。萬壑千峯儼咫尺。
憑君引入畫圖看。

其二

長安遊客多年少。文采風流覺汝賢。下筆便能臻妙品。令人重見李龍眠。

問月臺讌集二首

千峯晚翠暮雲晴。氣爽星稀玉漢橫。酌酒與君須盡醉。憑高無限古今情。

其二

皓魄當空玉露晴。婆婆挂影望中橫。誰吹羌笛驚秋

夜。無那關山離別情。

寄繆念齋二首

臚唱曾聽第一聲。十年簪筆侍蓬瀛。雄文久已傳三策。惇史終須訪五更。見說懸車寧漫出。頗聞蠟屐好山行。憶從扈蹕重携手。別後能無白髮生。

其二

鳳池歸去老江濱。閉戶超然謝俗氛。養就丹砂能換骨。教成雛鶴欲凌雲。籃輿郭外春光早。絲竹筵前夜

色分自是時。清容嘯傲。鑿坡舊侶孰如君。

送高澹人歸里終養二首

珊玉骨本神仙。鰲禁承恩二十年。對客不言溫室

樹。退朝惟詠白華篇。校書勤向青藜照。扈蹕三從紫

塞旋。誰識儒臣偏慷慨。勲名今竝勒燕然。

其二

當年綠野暫淹留。惟幄重來佐勝籌。宣室受釐頻顧

問。甘泉獻賦屢從遊。有懷將母臣心切。特許還山

主眷優。遙想丹忱依北闕。望京時上弄珠樓。

寄同年李書雲八十二首

掖垣風采冠中朝。元禮名同海岳標。暫許閒身居畝

畝。長留清福狎漁樵。山中歲月添詩草。江上雲霞伴

酒瓢。聞道近來尤矍鑠。後堂綠竹興偏饒。

其二

班行廿載共周旋。猶憶邗江送別年。身世飽經皆塞

馬。炎涼親閱幾桑田。緇塵愧我添華髮。丹訣知君得

秘傳。從此期願多樂事。無雙亭上有神仙。

送熊蔚懷司空予告二首

碩德清標迥不同。璽書兩拜大司空。聲名久出雲霄

上。人物羣歸藥籠中。報國敢言鄉思切。乞身真荷

主恩隆。青門祖帳頻携手。別後音書盼北鴻。

其二

滕王高閣枕江隈。暇日登臨亦快哉。南浦煙波供睥

睨。西山雲樹好徘徊。幾年聽履陪清漏。此日歌驪勸

綠醕。不分臨歧春欲暮。滿城飛絮點蒼苔。

夏日瀛臺賜宴

虞帝歌薰日。周王宴鎬年。惠慈恩澤溼。雨露侍臣偏。

禁籞來羣彥。蓬萊會列仙。曾為香案吏。俱到聖人

前。法酒斟醴醕。嘉羞肆豆籩。萬年欣遇此。三爵敬油

然。獻頌抒丹悃。裁詩拂彩箋。鞠躬承寵命。見志託言

詮。珠玉紛盈側。批糠愧在先。天光垂顧盼。土梗得陶

甄。句匪雲霞麗。恩同日月懸。聖時常燕喜。願誦蓼蕭篇。

祝郎撲庵

居庸截業護神京。憲府雄開擁旆旌。千里關城收夜
柝。萬家煙火勸春耕。天心最重屏藩寄。世澤猶傳節
鉞名。預擬中朝懷舊德。熊車早晚待清卿。

香山即事

路入香山僻。崔巍石磴斜。到門流水遠。尋徑白雲遮。
晴日輝芳樹。春風舞落花。佳遊今始遂。吾欲老煙霞。

來青軒

層軒依峭壁。一覽衆山青。綠樹雲中出。清泉石上聽。
園林紛歷上。城闕遠冥冥。聞說金遺跡。前巖舊禮星。

洪光寺栢逕

松栢勢參天。盤空磴道懸。芳春增靄黛。晴日弄雲煙。
峰影參差見。鐘聲次第傳。何時解塵鞅。行住翠微邊。

卧佛寺

古寺雲光淨。幽然一徑深。春風搖細草。白日照空林。
忽憶曾遊歲。翻生感逝心。娑蘿雙樹好。依舊殿前陰。

退谷隆教寺

退谷隣荒寺。巖迴徑欲迷。林巒紛委曲。亭榭足攀躋。

流水堦前繞。桃花屋角低。幽尋興未已。芳草自萋萋。

玉泉山

倚石看山色。銜杯酌玉泉。杏花嬌欲舞。楊柳綠生煙。

潭影含晴日。風光映遠天。只今仙禁隔。載酒憶當年。

紫竹院

紫竹禪關迴。虛亭老樹前。檻低花影靜。林密鳥聲傳。

鐘梵間清晝。池塘遍野泉。夕陽棲影下。歸騎破春煙。

憶昔侍從

西山形勝地。鑿輅昔登臨。仙仗盤青磴。霓旌度紫岑。

玉泉開帳殿。寶馬繫芳林。扈蹕宸遊處。低回思不禁。

贈葉總戎二首

射策當年上赤楓。重瞳久已識非熊。胸中韜畧孫吳

合。塞外聲名衛霍同。鐵騎宵行揚柳月。征衣曉拂芟

荷風。朝天新沐恩波重。麟閣應標第一功。

其二
高牙大纛拜恩光。雄鎮從來重朔方。統萬城原傳霸業。賀蘭山外即窮荒。教寧已伏天威赫。保障還資將畧長。自此邊庭無斥候。盡銷金甲事耕桑。

壽四明林先生二首
越東遺逸舊徵君。魯殿歸然世共聞。尚志早尋高士傳。隱居常笑北山文。喬松未改千秋色。碩果仍留奕世芬。却憶趨庭談往事。曲江同日步青雲。

其二
西明遙接海門霞。栗里風流詎足誇。杖履逍遙臻大耋。文章揮灑識名家。一從輦下瞻標格。歸去山中玩歲華。遙喜懸弧今八秩。綺筵開處進胡麻。

贈鄭總戎二首
聖德如天萬國安。遠憑元老獨登壇。只今西蜀安耕鑿。共說軍中有范韓。玉帳投壺多碩彥。瑯弧躍馬總材官。彤庭正重酬庸典。會向凌煙閣上看。

林百其二五重階舊典會回步到閣上音

虎頭燕領昔曾聞。儒雅雍容復見君。不獨襟期清似水。共知高誼迥於雲。提戈自致封侯印。下馬還操露布文。此日驪歌惜分手。相思頻望五谿雲。

涼亭夏日。召遊暢春園。賜登舟觀白蓮。又蒙

御書扁額。賜恭紀二首。山中

御園召入慶同時。欣觀名花瑞應期。千葉堆雲高玉井。素英濯雪勝瑤池。獨標丰韻綠塘滿。共挹清芬轉

擢。誰伴沼旁邀。聖賞祥禽。正來儀。

其二

天光四照遍塵寰。拜舞承恩仰聖顏。魚喜龍騰爭捲刺。鳥知鳳集亦緡蠻。分嘗玉饌瓊蕪美。受賜瀛洲翠水間。寶翰傳家人共羨。勝遊懸圃得珠還。

早朝雪霽

晴臨積雪玉堦前。五色瞳矐鬱晚煙。膏發先春滋聖澤。時逢新臘兆豐年。殿中瑞氣浮瓊宇。林外花文綴

綵旃應和踈梅與斜月。共成佳調入虞絃。

壽高大叅

家聲渤海世相傳。屏翰功高有象賢。文物頓還西蜀
舊。桑麻遍植錦江邊。時因問俗驅熊軾。每為登樓擘
彩箋。遙喜懸弧秋色好。月光清夜映華筵。

贈諸西侯

早歲才名重玉堂。旋趨粉署握蘭香。十年惠政歌卹
雨。千里清風憶召棠。自有經綸酬蘊藉。肯容泉石久

徜徉。只今牧伯須清望。丹詔行看出尚方。

石封君雙壽徵詩賦贈

地高豐沛五雲親。絳灌樊鄴總世臣。並珥金貂開錦
帳。齊登黃閣畫麒麟。龍攀

聖祖勲名重。燕侍

先皇笑語頻。大樹霜前逢甲子。鞠華月後降庚寅。收
回捧日擎天手。乞得調鷹戲馬身。南岳仙媛偕國老。
西園公子聚家珍。郡丞精密同黃霸。柱史清嚴邁鄭

均。署勅恢張鷲省翼。授書騰躍錦川鱗。朝簪四盃連
枝秀。壽杖雙扶滿座春。進酒從容藏燭跋。徵歌宛轉
落梁塵。鹿門未足稱良友。鳳史真堪結德隣。已宴西
池同曲水。行開東閣繼平津。

踏燈口號四首

今年共道太平年。佳節笙歌徹夜傳。萬井清遊人似
蟻。千家飲宴酒如泉。

其二

紫陌燈光達曙輝。高天皎月照華衣。繁絃急管歌方
罷。火樹星橋客未歸。

其三

朱輪繡幕內家親。半露新粧不避人。鬢髮如雲不屑
履。凝脂比玉豈沾塵。

其四

燈市行人漸欲稀。遊橋女伴竟忘歸。吳綾恨不長千
尺。姊妹爭裁月下衣。

元夕家讌四首

清歌妙舞送春來。滿泛葡萄鸚鵡杯。絳蠟不隨宵漏
燼。銀花偏向雪中開。

其二

漠上彤雲掩曙霞。東風吹雪繡幃遮。良宵正值三春
首。令節爭看五出花。

其三

繡閣重茵敞畫筵。華燈火樹坐相看。街杯不覺銀河

轉。歡宴誰知玉漏闌。

其四

迴廊曲檻錦燈稠。玉斝金尊久唱酬。不是阿兄偏好
飲。為嗔小弟解藏鉤。

送香林和尚還山二首

送師南去宿江湄。瓢笠凌風一杖隨。笑指勤公舊棲
處。滿堂明月捲簾時。

其二

心法本來無起滅。祖庭何故有春秋。試登浮玉山頭
望。不斷長江日夜流。

張又南五十

聖代昇平日。元戎坐鎮年。閭閻還揖讓。江海靖烽煙。
僖爵金貂重。傳家玉樹聯。雙龍看並駕。一鷄羨高拳。
通藉多名彥。升堂總大賢。花明申浦樹。月漾泖湖船。
華館春風動。旌門錦旆懸。偕申九如頌。同詠大椿篇。
茂建舟霖績。榮膺將相權。鴻名羨壽愷。方召許齊肩。

送杜肇餘予告南歸

廊廟成功日。山林引興年。主恩真不世。臣品自超然。
憶昔登朝早。遭逢眷遇專。華齡躋九列。決歲疊三遷。
曳履星辰上。論思黼扆前。人倫歸藻鑑。庶類仰陶甄。
共待金甌卜。俄聞赤舄旋。鶯花供祖帳。冠蓋集離筵。
訪藥探靈境。明農問秫田。琴書開綠野。詩酒繼平泉。
丹闕情彌渥。蒼生望正懸。祝公惟彊飯。沙路待重填。

徐華隱請告南還蒙示

皇上欽賜御書

皇太子睿製恭頌二首

六書垂鐵畫。八法耀銀鈎。玉版星光動。霜縷寶氣浮。
聖由天縱妙。思為侍臣優。預憶懸車處。長如對
冕旒。

其二

已覩宸章煥。還驚睿藻新。鴻猷隆作述。懿德
鑒忱恂。喜動千官色。光生少海春。端居懷寵錫。應念

國恩頻。

即席贈天林上人二首

曲徑禪關尚宛然。海棠初放暮春天。相逢莫訝俱衰
老。彈指光陰五十年。

其二

伴食多年未乞身。看花踏遍軟紅塵。憑君苦憶當時
事。此日尊前少故人。

中齋六弟移居秣陵離別關心老年倍切瀕行

索予誨言抒我胸懷聊當驪唱八首

青箱夕集有遺篇。同侍文貞色笑年。何意今朝便離別。不禁回首淚潸然。

其二

自昔男兒志四方。謀生本計在耕桑。行藏各有從長策。不是輕於去故鄉。

其三

老年骨肉怕睽違。况我衰齡過古稀。兄弟四人三遠

去。聯翩羨爾鴈南飛。

其四

河橋柳色正青。春草春花滿別情。聞說江南好風景。到時新綠轉流鶯。

其五

席寵堂前宴餞遲。笙歌滿座轉淒其。勸君且盡樽中酒。愁在更闌舞歌時。

其六

兄弟行中最少年。老親當日倍相憐。懸知故里關情
處。多在文貞賜兆前。

其七

此去移居須擇隣。他鄉同調好相親。慇懃不惜交相
勉。要語無多在守身。

其八

臨歧執手勸加餐。遠道休嗟行路難。別後相思何以
慰。好將魚素報平安。

